




LHAGAO GILOU NATOH SOSALNA

Simmun 10: June 8, 2024




“Ajieh chu Pakai chu amatah a aw toh, vantil pipui awgin toh, chuleh Pathien sumkon gin toh kitho a van a kuon a hung kumlha ding ahi; chule Christa a thisaho chengse thoudoh ding ahiuve; chujou leh eiho ahing nalai amohchengse hi amaho chengse chu toh vanlaijol a Pakai lamtuo ding a meikuong a toltouva iumkhom ding u; chule chuti a chu a-imatihchan a Pakai toh i-umkhom jing ding u ahi.” (1 Thessalonica 4:16, 17)

Mihiemte kom a Diabol jou sei masah “Nathi lou hiel ding ahi” (Gen. 3:4) chu inatahsan nalai uvin ahi!

Hichu vannuoi mitin tobang in atahsan tai- tun jong atahsan jing un- lhagao thitheilou nei in akigel un, thinung a jong khohe nalai din atahsan ui.

Bible vang chun kichieh tah leh khaotah in aseie: “Chonsepa chu thi ding ahi” (Ez. 18:20). Lei le van a kidouna lien um hi koi sei joh itahsan diu ham ti thudol ahi- Diabol sei ham, Pathien sei joh ham?



➤ Lhagao gilou natch leh thi thudol:

- ➡ Thitheilou lhagao.
- ➡ Thulhun Lui a thi thudol.
- ➡ Thulhun Thah a thi thudol.

➤ Ninung a lhagao gilou natch:


- ➡ Melchihna le bolmo kidangho.
- ➡ Lhagao gilou natch thiltup.

LHAGAO

GILOU

NATOH LEH

THI THUDOL





THITHEILOU LHAGAO

“Meilhang akitol tol a abeisuoh bang in, nuoimi gam a kumsuhpa jong hung kaldoh kitlou ding ahi.” (Job 7:9)

Alhangpi'n, mihiem tahsa le lhagao achuom chuom a um in akitahsan e. Hiche teni hi khat bei a jong khat joh umthei in akigel e.

Bible in vang thil thum a kuon kisiem ihi u ase i e: “Pathien hu, lhagao le tahsa” (1Thes. 5:23). Hicheng thum hi khat louva khat umtheilou ahidan jong ase i e. Genesis 2:7 chun “Pathien in tahsa asiem a, hinna hu alhakhum a, chujouvin mihing ahung hi tai” ati (Hebrew paova *nefesh* chu lhagao ti'n akiledoh e).

Hijieh chun lhagao chu tahsa le Pathien a kuon hinna hu kigopkhom a hung umdoh chu ahi. Lhagao chu ol a (thinung a) ihinnei u ahipon, eiho tah chu LHAGAO kiti chu ihi tauve.

Hinna hu chun ei dalhah tieng u leh beiji ihi tauve. Thinung in tibah khat jong khohe nalai aum tapoi. Tahsa athi tieng hinna hu jong Apepa kom akilekitji tan, lhagao kiti ‘tahsa le hinna hu kigop jie h a umdoh’ jong chu abeiji tai (Eccl . 12:1-7; Ezek. 18:20; Job 7 :7-9).



THITHEILOU LHAGAO

“Meilhang akitol tol a abeisuoh bang in, nuoimi gam a kumsuhpa jong hung kaldoh kitlou ding ahi.” (Job 7:9)



Vannuoi a chonsiet alut apat Satan in mithisa lhagao kihoupi go a, tu le ahung lhung ding nikho thudol hetding go jingho ahin mangcha jing in ahi.

Hitobang miho, doi le ai, phuisam, mitpheldoi, khutlamvet tiho mangcha a gaodohji hohi lhagao gilou toh tongkhomho tin akihe e.

Bible in “hitobang chondan phalou bolho chu PAKAI dia thet umtah ahi uve” ati” (Deut. 18:10-12). Hiche chonsiet gotna chu thina ahi jieng e (Lev. 20:27).

“Ijeh in em iti leh amahon najah uva, “Doithiemho leh mitpheldoi thiemho, phui sam sam a doithu seiseiho gadong uvin” atiu chu, mipi’n a-Pathien adohjohlou ding ham? Kon mihingho khel a mithiho adohjoh diu ham? Danthu leh hettuohsahna joh adoh diu ahibouve. (Hiche thu toh kituoh a aseilouvu leh) hiche a chun khovah aum poi” (Is. 8:19-20).



THULHUN LUI A THI THUDOL

“Mithi'n Pakai avahchoiji pon, athimilsa, husalouvin, jong Pakai avahchoiji poi” (Labu 115:17)



Thi-uopna mun ah “kasopipa hi meidiil juon a che ahitai” ti a akisei kheljilou vang in, hiche nikho a thu kiseiji dan hin “mipha” chu athi tieng vangam a Jesu toh umkhom dia kaltou pai jieng a, “miphalou” vang chu gotna chang ngal ham, lampi lamkah a vaithaam den ham in akitahlangji e. Ahin Bible in hiche thudol iti aseï mong em?

Thinung in Pathien kivahchoi thei nalai in tem?

Labu 115:17

Athisa chun inkuo-loukuo leh aloite thudol aphotji thei nalai dem?

Job 14:21

Athisa chun ahing nalai akihoumatpi thei dem?

Thuhilpa 9:6

Thinung in jong lunggel akineitheï nalai dem?

Thuhilpa 9:5

Thinung in boldoh tohdoh akineibe thei nalai dem?

Thuhilpa 9:10

Thulhun Lui in thi hi janmang tobang ahin, hiche imutna kuon thodoh theina chu Pathien kamcheng bou ahi ati (1 Lengte 2:10; 14:20; Dan. 12:13).




THULHUN THAH A THI THUDOL

“Igolpa u Lazarus a imu tai, ahin a imut sukhang ding a kache ding ahi” (John 11:11)

Thulhun Lui bang in Thulhun Thah in jong thi hi imut ahin, Jesu bouvin hiche imut a kuon athokhah thei ahi ati (Jn. 11:11-14; Jn. 5:28-29).

Thessalonica te ding lekhatot asut chun Paul in “imumilho”, tichu athisaho, thudol ase in, Jesu ahungkit tieng ama toh kilelhon dia thodoh hidiu ahi ati (1Thes. 4:13-18). Paul chun athiho thi nikho a vangam kaltou ngaal ahi atahsan anahi leh hiti joh a chu anaseipieh ding ahi.




Mithiho thudol ase in chun Paul in Christa hungkit tieng hung hingdoh ding u ahi atin, hiche masang a hingdoh diuvin aseipon ahi (1Co. 15:22-24). Chujongleh “ibon uva ina imutmil lou diu ahi” ati. Ahinglai chengse mitphetkahlouva ikikhel diu, athisaho vang kikhelsa a lahtouva ana um ta diu ahi (1Co. 15:51-52).

Jesu toh umkhomna kotheh chu thokitna chu ahi. Thokitna umlouva sochatna umtheilou ahi (1Co. 15:13-18). Hiche thokitna nikho tieng kipaman chanvou isaan diu, hijieh a chu inga hat jing ding u ahi (1P. 1:3-5).



NINUNG A LHAGAO GILOU NATOH



MELCHIHNA LEH BOLMO KIDANGHO

"Ijeh in em iti leh Christa Ihemho leh thiemgao Ihemho suohdoh un tin, melchihna le mu kidang ahin vetsah ding u ahi" (Mark 13:22).




Mite lah a lhagao gilou natch hi Satan amatah lamkaina ahin, thitheilou lhagao um tahsanna a kibulphu ahi. Hiche thujopho hin mithisa toh kihoumattheina leh athisaho a kuon bolmo kidang boltheina tha akisaan thei un jong atahsan ui.

Tu hin hiteho khut kikaanpieh bang nalai ahi, ahin Pathien in bolmo kidang tampi abol diu aphalpieh phaathung lungding, chu tieng mit a mu jouse'n kidang asah diu ahi. (Mk. 13:22; 2Thes. 2:9; Rev. 7:1; 13:13-14).



Thi pai ding a lum khat jong anatna jouse mang hiel a suhdam a hung um ding; gari in mi aphutkhah ding kuoncha a acham a hung ding phut ding; ahilou leh athisa inu ham chun aw nem tah a eihin houpi diu... hitobang bolmo kidang bol a chu iti tahsanlouva iumthei diu ham? Hiche nikho tieng chuleh ihettheina u tahsa tibahho tahsanhahsa tah hung hidu ahi.



Ihetsa u Pathien Thu leh Jesu tahsan lhingset inei u chun hiche nikho a melmapa lhepna kuon ei venbit thei diu ahi (Is. 8:20; Eph. 6:13).

LHAGAO GILOU NATOH THILTUP

"Hiteho chu thilhaho lhagao ahi uvin, melchihna kidang dang vetsah ahi uve; amaho chun ima jouse bolthei Hathungnung Pathien nikho loupi chungnung ni a galsat ding a vannuoi leisiet pumpi a lengho kikhopsah ding a amaho hieng a chu che a ahi uve" (Thuphuon 16:14)

Satan tup chu Pathien gal a jo ding, avaihopna letun ding, alaltouna chudoh ding chu ahi (Isa. 14:13-14). Hiche ding a chu mitin jotheina lampi jouse amanchah ding ahi, gamsung vaipoho gei a ahin manchah ding ahi (Rev. 16:12-14).

"Lhepna thahat khonna dia Satan amatah Christa dan a hung kilah ding ahi" ("The Great Controversy", Chapter 39 p. 625.)



Ahin hiche pet tah chuleh Jesu'n Satan natos jouse asuhtaang ding ahi (Rev. 16:15). Satan chu gallel hita ding ahi. Christa khut a gallel ding, Christa thisan a dingdet jingho khut a gallel ding ahitai (1Jn. 2:14; 4:3-4; Rev. 3:21; 5:5; 12:11).

Lhagao gilou natos kidintepi jingho kihettheina chu: "Pathien thupieh nit leh Jesu tahsanna neiho" ahi uve" (Rev. 14:12).

“Mithiengte chun akhang dia thudih (present truth), Bible a kuon jui tei dia amudoh u, chu phatah a ahetchil u angaidan kamu e. Mithi thudol ahetchil u angai e, ajieh chu Diabol lhagao gilouho hung kilah diu, angaitah u insungmi ham, loi le guol ham hi a hung kisei diu, ahieng uva Bible toh kikal kihilna ahin thumop ding u ahi.

Boltheina tha aneisun u mite lung lahteina dia abol diu, athuhil u photchietna dia amai uva bolmo kidang dang tampi ahin bol diu ahi. Pathien mite chun Bible thudih in mithi’n ima ahe tapon, athisaho lim a hung kilangho chu lhagao gilouho ahi atisa a kuon hiche lhagao gilouho nato chun akidintepi diuva kigosadiem a um diu ahi.”